

14. *Myrmecophyes macrotrichus* n. sp.

Brachypterus, breviusculus, latiusculus, nigro-aeneus, superne pilis longis erectis pallidis parce obsitus; capite basi pronoti  $\frac{2}{5}$  latiore, vertice planiusculo et quam oculo duplo latiore; oculis sessilibus; antennis brevissime pilosulis, flavo-testaceis, apice articuli secundi articuloque tertio nigris (articulus quartus deest), articulo primo latitudine verticis parum ( $\frac{1}{8}$ ) longiore, lineari, nonnihil incrassato, apicem versus intus setulis paucis, diametro articuli brevioribus instructo, articulo secundo articulo primo fere  $2\frac{3}{5}$  et quam articulo tertio  $\frac{2}{5}$  longiore; rostro fusco-testaceo, apicem coxarum posticarum paullo superante; pronoto transverso, basi longitudine sua fere dimidio latiore, sat convexo, lateribus subrectis; mesonoto pronoto fere  $\frac{3}{4}$  brevior, valde convexo, scutello haud distinguendo; elytris subopacis, nigris, apice latissime rotundatis et oblique albo-limbatis, limbo apicali albo versus marginem costalem distincte ampliato, sed introrsum commissuram haud attingente, angulo apicali externo late, interno autem levius rotundatis, commissura mesonoto  $\frac{3}{4}$  brevior; abdomine laevigato, nitido, basi parum constricto, retrorsum sensim fortiter rotundato-ampliato, disco deplanato; pedibus anterioribus flavo-testaceis, femoribus et tibiis, margine inferiore harum excepto, glabris, apice imo tibiaram tarsisque totis nigris (pedes postici desunt). ♀. Long. fere  $2\frac{2}{5}$  mill.

Turkestan: Buresan!, leg. d. 22. Junii 1906 G. ALMÁSY. (Mus. Hung.)

A *M. aeneo* RÆUT., cui corpore aeneo-nitido, latiusculo, superne pilis longis erectis pallidis praedito, scutello haud distinguendo abdomineque fortiter dilatato et deplanato affinis, statura minore, articulis duobus basalibus antennarum testaceis, articulo primo harum tantum apicem versus setulis paucis brevibus instructo, mesonoto valde convexo, elytris apice rotundatis, commissura horum mesonoto multo brevior, marginibus lateralibus abdominis rotundatis, nec non femoribus et tibiis (saltem anterioribus) totis testaceis, setis longis destitutis differt.

Subgen. *Plumiger* nov.

Antennae sexuum diffformes; articulis duobus basalibus *maris* incrassatis, setis semierectis nigris sat dense et praeterea subtus et intus setulis plumiformibus semierectis niveis densissime instructis, — *feminae* linearibus; articulo tertio in utroque sexu omnium longissimo et quam articulo secundo saltem dimidio longiore.

15. *Myrmecophyes heterocerus* n. sp. (Fig. 1.)

Brachypterus, elongatus, niger, nitidus vel nitidulus, glaber; capite basi pronoti latiore, superne setis nonnullis erectis nigris obsito; oculis